

Аллоҳнинг ғазабига сабаб бўладиган ишлардан паноҳ сўраш



08:05 / 30 январь 1251

مَلَسَ وَهِيَ لَعْنَةُ اللَّهِ لِيَصْرَهُ لِيَلْجِلْ لِيُؤْسِرَ رَأْسَهُ دُنْمَ نَاكَ: أَمْ هُنَّ عُلَلُ لِيَضْرَبَ رَمْعُ نَبِ لِقَا قَوْ
عِي مَجَّ وَكَتَمَ قِنْ دَاءَ جُفَوَ، كَتَيْ فَا عِلُّ وَحَتَّ وَ، كَتَمَ عُنْدَ لَأَوْزُ نَمَ كَبُ دُوعَا يِّنِ لِمُ هَلَلِ
دُوَادُ وَبَأُو مَلَسُمُ أَمْ هَاوَرَ: كَطَحَسَ

Ибн Умар розияллоху анхумо деди:

**«Расулуллоҳ соллаллоху алайҳи васалламнинг дуоларида
«Аллоҳим! Албатта, мен Сендан неъматингнинг завол бўлишидан,
офиятингнинг бурилишидан, тўсатдан келадиган офатингдан ва
барча ғазабингдан паноҳ тилайман» бор эди».**

Муслим ва Абу Довуд ривоят қилганлар.

Шарҳ: Бу ҳадиси шарифда тўрт нарсадан паноҳ сўралмоқда:

1. Неъматнинг заволидан.

Аллоҳ таоло Ўзи берган неъматни Ўзи кетказиб қўйиши ҳеч гап эмас. Банда учун унга берилган неъматнинг заволга учраши катта бахтсизлик бўлади.

Неъматнинг заволи кўпроқ унга шукр қилмаслик оқибатида содир бўлади. Неъматнинг заволи унинг озайиши, нуқсонга учраши, баракасининг кетиши ёки бутунлай йўқ бўлиши билан бўлади.

Банда ўзига берилган неъмат учун доимий шукр қилиш билан бирга, ушбу дуони ҳам қилиб турса, яхши бўлади.

2. Офийатнинг бурилишидан.

«Офийат» сўзи саломатлик, эсон-омонлик, бардамлик, яхши кайфият каби маъноларни ифода қилади.

Кўриниб турибдики, офийат ҳам Аллоҳ таолонинг катта неъматларидан бири экан. Унинг бандадан бошқа тарафга ўтиши унинг учун катта мусибат бўлиши турган гап.

Шунинг учун доимо Аллоҳ таолодан офийатнинг бошқа тарафга бурилиб кетишидан паноҳ сўраб туриш лозим бўлади.

3. Тўсатдан келадиган офатдан.

Бундай офат тўсатдан келгани учун банда тавба ҳам қила олмай, балони даф қилиш учун чора ҳам кўра олмай қолади. Бутун дунё бирлашиб, унга ёрдам бермоқчи бўлса ҳам, заррача ёрдам бера олмай қолади.

Аллоҳ таолонинг Ўзи бу каби уқубатлардан доимо асрасин.

4. Аллоҳнинг барча ғазабидан.

Яъни Аллоҳ таолонинг ғазабига сабаб бўладиган ишлардан паноҳ сўралган. Чунки Аллоҳ таолонинг ҳар қандай ғазабига дучор бўлган банда албатта ҳалок бўлади, ноумид бўлади ва ютқазади.

«Ҳадис ва ҳаёт» китобининг 35-жузи

Ўзбекистон Республикаси Дин ишлари бўйича қўмитанинг 2023 йил 2 августдаги 02-07/6202-рақамли хулосаси асосида тайёрланди.